



08757

桂苑筆耕集卷十七

啓 四首

初投獻太尉啓

再獻啓

謝生料啓

獻詩啓

詩 三十首

七言紀德詩三十首謹獻司徒相公

狀 六首

桂苑筆耕集卷十七

一

海山仙館叢書

謝職狀

謝借宅狀

出師後告辭狀

謝令從軍狀

謝借舫子狀

謝許奏薦狀

初投獻太尉啓

某啓伏以嶽之高與海之深物所歸而人所仰迴拔千
仞平吞百川其如巖崿擎天波瀾蕪日豁四方之眼醒

啓詩狀共四十四首
海山仙館叢書
藏板謹
書館藏
齋丞彙

萬族之魂是宇內之所歌謠匪毫端之能贊詠伏惟可
徒相公獨抱神畧一匡聖朝譽洽於良哉康哉名標於
可久可大龔黃德政則郡民有遺愛之碑韓白功勳則
國史有直書之筆况某劣同窺豹淺比傾螺難將篆刻
之詞輒頌陶鎔之業但以間生賢哲年當五百之期廣
集英豪客滿三千之數既納之似水則來者如雲斯乃
司徒相公鏡於心而寬兮綽兮秤於事而無偏無黨網
羅雋彥籠罩驍雄於儒則沈謝呈才於武則關張効力
遂使弓旌招隱士巖谷爲之一空介冑降叛夫烟塵爲

桂苑筆耕集卷十七

二

海山仙館叢書

之四息豈獨分憂於闕外實惟稱慶於寰中莫不信齊
於春夏秋冬恩播於東西南北但日月照臨之所是風
雷變化之時然則尼父堂中亦有他鄉之子孟嘗門下
寧無遠地之人片善可稱前賢不讓永能執大邦之政
豈欲遺小國之賢是以敢寫微衷輕投朗鑑某新羅人
也身也賤性也愚才不雄學不贍雖形骸則鄙年齒未
衰自十二始別雞林至二十則遷鸞谷方接青衿之侶
旋從黃綬之官既忝登龍敢言絆驥今者乍離一尉欲
應三篇更願進修且謀退縮獨依林藪再闕邱墳課日

攻詩虞訥之詆訶無避積年著賦陸機之哂笑何慙俟
其敦閱致功琢磨成器求魚道在垂竿而不挂曲鉤射
鵠心專撻箬而冀銜後鏃端操勁節佇望良時竊見萬
物投誠八紘嚮德不謁相公賓閣不遊相公德門者詞
人之所懷慙羣議之所發誚某故敢墮肝瀝膽進牘抽
毫不避嚴誅輒申素懇謹錄所業習篇章五軸兼陳情
七言長句詩一百篇齋沐上獻冒犯尊威不任戰懼之
至謹啓

再獻啓

桂苑筆耕集卷十七

三

海山仙館叢書

某啓某今月五日謹以所學篇章五通貢于賓次雖慙
獻豕輒覬攀龍脩客路以心摧望仁風以目斷乍覩秦
雲之態或似美人細看燕石之姿恐爲棄物伏爲司徒
相公光逾愛日煦及寒灰念以遠別海隅久沈江徼特
垂豐餼俾濟朝饑自驚樛櫟之材已荷稻粱之惠雖龜
魚投水驟喜命蘇而蚤蝨負山深憂力敗且某也免絲
雖絡蛛網自營萬計等思不如學也百年勤苦猶恐失
之所以未競宦塗但遵儒道筮仕而懶趨塵土卜居而
貪憶林泉人間之要路通津眼無開處物外之青山綠

水夢有歸時所願更淬鉛刀終求鐵印斂跡而跼藏學
藪安身而跌宕詞林嘗誦古詩還符此意云志士惜日
短愁人知夜長某旣懷志士之勤又抱愁人之苦聊憑
臺牘敢述肺肝且如蹋壁冥搜杜門寂坐席冷而窗風
擺雪筆乾而硯水成冰欲爲尼父之絕編無奈羲和之
促轡卽可知指萬卷之經史恨三冬之景光及其凍枕
傷神孤燈伴影寒漏則滴殘別淚遙砧則搗破羈心空
勞甯戚之悲歌莫繼陸機之安寢亦可想貯千端之鬱
邑過五夜之寂寥然則志士之勤也旣如彼愁人之苦

桂花筆耕集卷十七

四
海山仙館叢書

也又如此况某家遙日域路隔天池投客舍而方甚死
讎指何門而欲安生計唯慮道之將廢豈言人不易知
不敢以陋質凡姿覲相公清嚴之德不敢以片言隻字
希相公採錄之恩所望者或以其萬里地遠來十餘年
苦學稍垂惻憫得濟困窮則必堅背水之心終爲勇士
決移山之志不讓愚公伏以某譯殊方之語言學聖代
之章句舞態則難爲短袖辯詞則未比長裾舌無三寸
之能空緘壯氣腸有九迴之怨但戀深恩千浼尊嚴下
情無任感戴兢惶涕泗之至謹啓

謝生料啓

某啓某昨日伏蒙仁慈再賜生料恩垂望外喜集愁中
安貧而已瞻晨炊感德而唯知宿飽遂使范家釜甑免
恨長閒顏巷簞瓢倍加其樂伏以某雖楊曾穿葉而蓬
且斷根空把利錐冀遇大賢之鑑豈將長缺先輿下客
之歌一昨輒貢蕪音累塵尊聽窺德宇而燕雖相賀望
威風而鵠恐退飛豈料司空公俯念海人久爲塵吏
特垂記錄繼賜沾濡前生之溝壑無虞饑寒雖濟頭上
之邱山漸重負戴難勝依投而旣類窮猿展效而願同

桂苑筆耕集卷十七

五

海山仙館叢書

病雀下情無任云云

獻詩啓

某啓某竊覽同年顧雲校書獻相公長啓一首短歌十
篇學派則鯨噴海濤詞鋒則劒倚雲漢備爲贊頌永可
流傳如某者跡自外方藝唯下品雖儒宮慕善每嘗窺
顏冉之牆而筆陣爭雄未得摩曹劉之壘但以幸遊樂
國獲覩仁風久貯懇誠冀伸歌詠輒獻紀德絕句詩三
十首謹封如別定王拙舞適足自嫌嫖母濃粧轉爲人
笑不足贊揚休烈醜憂浼躓尊威然聖人以激勸誠深

不聞互鄉童子學者以揣摩志切皆投鬼谷先生伏惟
特恕荒蕪俯垂采覽所冀趨仁化於江北終得傳美譚
於海東唐突藻鑑下情無任戰慄之至謹啓

七言紀德詩三十首謹獻司徒相公

兵機

惟將志業練春秋早蓄雄心刻國讎二十年來天下事
漢皇高枕倚畱侯

筆法

見說書窗暫臥龍神傳妙訣助奇鋒也知外國人爭學

桂苑筆耕集卷十七

六 海山仙館叢書

惟恨無因乞手蹤

南朝蕭子雲善書百濟使人求手蹤以爲國寶

性箴

波澄性海見深源理究希夷闢道門詞翰好傳雙美跡
何須更寫五千言

雪詠

五色毫編六出花三冬吟徹四方誇始知絕句勝聯句
從此芳名掩謝家

射鵬

能將一箭落雙鵬萬里胡塵當日銷永使威名振沙漠

犬戎無復吠唐堯

安化

班筆由來不暗投
旋驅熊隼待封侯
郡名安化能宣化
更指河湟地欲收

練兵

隴水聲秋塞草間
霍將軍暫入長安
太平天子憐才畧
曾請陳兵盡日看

礮溪

刻石書蹤妙入神
一迴窺覽一迴新
况能早遂王師業

桂苑筆耕集卷十七

七

海山仙館叢書

桃李終成萬代春

伏觀相公礮溪詩云及到王師身已老不知辛苦爲何人又經虢縣詩云

手栽桃李十餘春
今日經過重建勳

射虎

鋸牙鉤爪礙王程
一箭摧斑四海驚
口額前驅姜膽碎
方知破石是虛聲

秦城

遠提龍劍鎮龍庭
外戶從茲永罷扃
掃盡邊塵更無事
暮天寒角醉吟聽

生祠

古來難化是蠻夷交趾何人得去思萬代聖朝青史上
獨傳溪峒立生祠

射鞭

休說戟枝非易中莫言楊葉是難穿須看立節沙場上
永得安邊爲射鞭

安南

西戎始定南蠻起都護能摧驃信威萬里封疆萬戶口
一麾風雨盡收歸

天威徑

桂苑筆耕集卷十七

八
海山仙館叢書

鑿斷龍門猶勞身擘分華嶽徒稱神如何劈開海山道
坐令八國爭來賓

崖口徑

濟物能迴造化心驅山偃海立功深安南真得安南界
從此蠻兵不敢侵

收城碑

功業已標征北賦威名初建鎮南碑終知不朽齊銅柱

况是儒宗綴色絲

碑今度支裴
僕射撰詞

執金吾

一陣風雷定八蠻來趨雲陛悅天顏王孫仕宦多榮貴
心爲匡君不暫閒

天平

海岱烟塵匝鄆城遙揮一劍落欃槍征旗不動降旗盡
永使天平地亦平

釣魚亭

錦筵花下飛鸚鵡羅袖風前唱鷓鴣占得仙家詩酒興
閒吟烟月憶蓬壺伏觀相公在鄆州詩云酒滿金船花
滿枝雙娥齊唱鷓鴣詞又釣魚亭詩
云水急魚難釣
風吹柳易低

桂花筆耕集卷十七

九

海山仙館叢書

相印

早說休徵應佩刀台星光接將星高欲迎霖雨歸龍闕
看滅妖氛展豹韜

西川

遠持龍旆活龜城威懾蒙王永罷兵應笑巒巴喫杯酒
雨師風伯自歸行

平蠻

卬峽關東蠻塵絕平夷鎮扼蠻地裂又築羅城變錦城
蠻兵永滅功不滅

築城

一心能感眾心齊鐵鑊高吞劔閣低多上散花樓上望
江山供盡好詩題

荆南

虎吼龍驤出峽來福星才照陣雲開遙思屈宋忠魂在
應向風前奠一杯

漕運

濟川已展爲舟業煮海終成富國功能與吾君緩脊肝
爲資心計四方通

桂苑筆耕集卷十七

十

海山仙館叢書

浙西

九江賊膽望風摧萬戶愁眉向日開楚舞吳歌一何樂
相逢相賀相公來

降寇

唯將德化欲銷兵常笑長平忿意坑更想太邱行小惠
何如言下濟羣生

淮南

八郡榮超陶太尉三邊靜掩霍嫖姚玉皇終日賈金鼎
應待淮王手自調

劔南荆南淮南乃天下名鎮相公累
移節制西戎南蠻東鄙賊起相公皆

自討
除

朝上清

齊心不倦自朝真豈爲修仙欲濟人天上香風吹楚澤
江南江北鎮成春

陳情

俗眼難窺冰雪姿終朝共詠小山詞此身依托同雞犬
他日昇天莫棄遺

謝職狀

右某今月二十五日伏奉公牒特賜署充館驛巡官者

桂苑筆耕集卷十七

十一

海山仙館叢書

恩降台階光生旅舍承命而吟魂乍懾叨榮而病骨能
蘇攀依有心荷戴無力伏以某樸生曠野莠託荒田豈
惟良匠不窺抑亦農人見棄風欹弱植難舉勢於凌雲
塵纖纖莖但懔愁於委地昨者不慙狷者輒效狂生累
貢巴詞仰黷秦鑑伏惟司徒相公念某來從異域遠寓
樂郊俯愛似龍不嫌非鳳拔衰英於冀上搜滯刃於獄
中許廁嘉賓仍沾厚俸神仙見顧稍親郭隗之臺駑蹇
何施得主鄭莊之驛况乃念子襟之志業辱華衮之褒
詞刻畫恩深已能長價琢磨志切終願成功修身則飲

水懷冰鍊思則吟煙嘯露唯當勵節以謂報恩謹詣衙門祇候陳謝下情無任感激彷徨榮懼之至謹狀

謝借宅狀

右某昨日客司奉傳處分借賜官宅安下者仰聆尊旨俯省庸才旣榮投跡之有門唯恨殺身之無路伏以某自趨龍旆免泣牛衣職俸非輕書糧頗贍嘗讀魯論語曰學而優則仕仕而優則學是以望東開之閣永誓依仁坐北面之窗唯期肄業非敢隱居而不嫁祇將直道而自媒今者幸寓樂郊况棲靜室簽屬則不勞涉遠簞瓢則永遂安貧豈謂愛閒誠堪養勇三年就學非缺慕藺之心一日成功願滿依劉之志下情無任感恩激切兢惕之至謹詣衙門祇候陳謝謹狀

出師後告辭狀

右某伏念來從異域託在德門昔曾名列桂科未知稱意今忝職居蓮府始覺榮身恩旣厚於稻梁跡能安於萍梗日增學植月贍書糧豈期市駿之金徬沾鴛蹇惟愧封侯之印未效禎祥今者屬以大憝通誅中朝多難頃煩豹畀佇滅豺聲伏惟太尉相公身耀福星均臨庶

類手傾霖雨遍洗妖氛遠命舟師重興國祚華夷則壘
風競甘蠹植則尅日當蘇若某者空有肺腸方申禱祝
恨無羽翼一遂奮飛望龍節以魂銷窺虎威而股慄雖
則熊羆之力共喜安人其如犬馬之心常增戀主下情
無任攀依激切涕泣之至謹狀

謝令從軍狀

右某適見客司奉傳處分令借舟船隨從行李者深恩
既降壯氣潛伸勵心而願效驅馳感德而難勝踴躍伏
以某塵中走吏海外腐儒五能非自濟之資一割無可
施之處惟增慷慨已分沈淪豈無投筆之心時應未偶
空有請纓之志力且難成誰謂忽被殊私不遺賤跡許
隨旌旆借賜舟航蹇足無堪敢望維駒之念麼姿何幸
遽叨泛鷁之榮况當泣路之時永荷濟川之賜下情無
任感戴欣躍兢惕之至謹狀

謝借舫子狀

客司奉傳處分借賜舫子安下者某方脫窮鱗得攀畫
鷁自慙跡在塵吏忽訝身爲水仙則彼甘寧割錦纜而
呈奢顧愷鼓布帆而無恙豈若榮棲德宇又泛仙舟風

波無失所之憂烟月有樓吟之暇况清流滿望暑氣銷
威每當定志安神則乃銘肌刻骨謹課七言長句詩一
首齋沐上獻干贖台階下情無任荷戴兢惕之至謹狀

謝許奏薦狀

右某昨日見衙前兵馬使曠師禮奉傳處分特賜慰問
兼許奏薦令自修狀本來者俯慙蓬跡仰聽蘭言喜抃
而身輕欲飛驚惶而心戰難遏何者某職叨鄭驛已謂
極榮名達堯階實爲過望憑何展效佩此恩光况乃明
鑑冰開英才霧集所宜倒屣則先迎王粲築臺則次接

桂苑筆耕集卷十七

古

海山仙館叢書

劇辛如某者輟耕海上之田來泣塵中之路雖云遊學
尙未成功豈料勤勞莫副於指蹤將念已傳於卵翼許
令伐善將使警愚每思邨子之驟稱深慙速詢欲效黃
公之多讓又恐失時冀緝拙詞仰遵嚴命南宮适之間
宜艾實有所歸東方朔之對漢皇寧辭自責既忝風雷
之變化佇期雨露之沾濡下情無任感戴榮抃兢灼之
至謹奉狀陳謝謹狀

桂苑筆耕集卷十八

狀啓其二十五首

狀啓

狀二十一
首啓三首

賀破淮口賊狀

賀高司馬官狀

謝職狀

長啓

謝加料錢狀

謝衣段狀

謝借示法雲寺天王記狀

桂苑筆耕集卷十八

謝示延和閣記碑狀

謝改職狀

謝探請料錢狀

與恩門裴秀才求事啓

前湖南觀察巡官裴瓌啓

獻生日物狀五首

端午節送物狀二首

謝新茶狀

謝櫻桃狀

謝冬壘節料狀

謝寒食節料狀

謝社日酒肉狀

謝匹段狀

賀破淮口賊狀

右某昨日竊聆淮口鎮狀報今月八日諸軍合勢殺戮
狂賊已盡者伏以徐州賊黨偶因嘯聚敢恣喧張鴟梟
同巢勢必不久蟣蝨相弔生能幾何猶懷拒轍之心未
有返轅之意伏賴太尉相公雄聲遠振妙畧潛施謀安

桂苑筆耕集卷十八

二

海山仙館叢書

四方決勝千里遂使淮山樂境長承虎豹之威泗水孤
城免作鯨鯢之餌功著於暫勞永息計資於彼竭我盈
小盜旋除中興可望三軍之勇氣方振百姓之驚魂再
蘇但仰恩威咸增抃躍謹祇候陳賀謹狀

賀高司馬除官

某啓伏承司馬二十五郎榮膺寵命伏惟感慰伏以漢
朝美仕稱太傅少傅之榮晉代高流誇大阮小阮之譽
然而但欲脫身於利祿無非縱志於歌吟於臣則虧報
主之誠爲子則失榮親之節豈期太尉相公重言天應

美命風行遂令司馬二十五郎挂絲衣披朱紱動高堂
之喜色振德宇之嘉聲佐理多閒藹餘芳於玉樹連官
獨貴掩前哲於竹林某每愧小儒忝棲大廈覩鷗鵬之
逸勢貯燕雀之歡心下情無任抃躍之至謹奉啓陳賀
謹啓

謝職狀

右某志雖求已藝不及人伏蒙太尉相公仁慈肉被摧
骸翼成艱卯難飾片言隻字粗伸感德懷恩今則苟貯
血誠敢憑毫素先甘鼎鑊仰贖旌幢謹具長書咨陳下
情無任戰灼之至伏惟特寬罪誅俯賜念察謹狀

長啓

某啓某伏以短綆不可以汲深頑鋒不可以剗滯是故
不能者止周任有言自宜量力而行豈可從心所欲某
東海一布衣也頃者萬里辭家十年觀國本望止於旃
尾科第江淮一縣合耳前年冬罷離末尉望應宏詞計
決居山暫爲隱退學期至海更自琢磨俱緣祿俸無餘
書糧不濟輒攜勁帚來掃膺門豈料太尉相公迴垂獎
憐便署職秩跡趨鄭驛身寓陶窗免憂東郭之貧但養

北宮之勇去年中夏伏遇出師忽賜招呼猥加驅策許
隨龍旆久倚鷁舟每恨布鼓音凡鈐刀器鈍縱傾肝膽
莫副指蹤遽蒙念以慕善依仁特賜奏薦重言天應忝
獲超昇若非九重倚賴於功名十道遵承於法令則其
恩命亦豈肯許某自江外一上縣尉便授內殿憲秩又
兼章紱且見聖朝簪裾烜赫子弟出身入仕二三十年
猶挂藍袍未趨蓮幕者多矣况如某異域之士乎昔有
一日九遷無以及斯榮盛某嘗讀魯論見仲尼使漆雕
開仕對曰仕進之道未能究習善其深志天子致悅某

桂苑筆耕集卷十八

四

海山仙館叢書

雖慙不敏竊有慕焉昨蒙恩慈特賜轉職等已具狀陳
讓兼納所賜公牒伏奉批誨卽有勅命但請收之某旣
蒙未允至誠固且仰遵嚴旨立愧形影坐驚神魂每當
夜對寒缸曉窺清鏡感激而頤橫涕雨憂惶而背浹汗
漿雖榮擺脫於風塵倍赧汚黷於門館伏以太尉相公
雄名峻望碩德茂勳不唯雲覆九州抑亦風揚萬國寓
目傾耳仰爲指南儒武所歸一人而已是以諸道景附
馬首是瞻其如都統巡官須選人材稱職外塞四方之
望內資十乘之威若今某塵玷恩知尸素缺位但恐買

戎狄之笑沽史傳之譏昔漢朝金日磾常在武帝左右
帝欲別加寵遇日磾辭曰臣外國人且使匈奴輕漢某
今日之請實在於茲諸廳郎官早陳公議蓋以賤無妨
貴欲令夷不亂華某伏自前年得在門下更無知識唯
謁諸廳幕中垂情幸而獲宥竊聆太尉相公去年夏於
東塘顧問某之時諸郎官同力薦揚和之如響遂沾厚
遇遽竊殊榮昨者繼陳謹言不徇尊旨實乃惜太尉相
公之名望存淮南藩府之規儀事體不虧裨贊斯在冬
末面奉處分欲使別開院宇雖承恩諾轉切憂懷何者
六韜曰人才大小猶如斗也不可盛石滿則棄矣故孔
子云孟公綽爲趙魏老則優不可以爲滕薛大夫今者
甘寘嚴誅輒傾真懇乞解所職以弭官諉可也伏惟太
尉相公特賜允從令得其所儻蒙未垂擯棄猶許依棲
則望或別補冗員或薄支虛給一枝數粒可養羽毛斗
水尺波得安鬢鬣固非矯飾廉讓爲名實願揣量分淮
免成負累恩德春秋齊侯使敵仲爲卿辭曰羈旅之臣
免於罪戾施於負擔所獲多矣敢辱高位請以死告使
爲工正不失令名故事昭彰卑誠悃悃守道而得無陞

矣登門而免見餽之但願藥臼謂恩終有凌雲之望著
簪挂念永無委地之愁干冒台威下情無任懇迫憂兢
之至謹啓

謝加料錢狀

右某今日某官奉傳處分每月加給料錢二十貫者某
厚沾職俸過瞻書糧羝羊之角且不羸羸鼠之腹能易
滿惟憂福盛難報恩深豈料筆端乏白鳳之詞日無可
效囊底獲青蚨之術月有所增但懷臨谷之心恐敗負
山之力惟願除供陋巷之食分濟遠鄉之親同感厚恩
永傳遐俗或成浮費必速幽誅下情無任荷戴兢惶涕
泣之至

謝衣段狀

某啓伏蒙恩慈賜及生衣段一十四者伏以風雖解愜
日可畏威始當蒸鬱之時忝受鮮華之賜敢效八公之
侶欲銜六銖但隨百姓之歡同歌五袴况乃某幸趨台
陞榮託德門實資千載之遭逢每濟四時之服飾慙念
而情踰父母稱揚而禮異賓僚今者輕縠衫材細練襖
制俾趨儉幕許曳鄒裾雖恩耀遠人足呈妍於鮫室而

名慙奇士甘致刺於鷓梁下情無任感戴之至

謝借示法雲寺天王記狀

某啓昨日伏蒙恩慈借示修法雲寺天王碑綵毫乍閱俗眼初醒唯慙鐵印之庸流忽覩銀鉤之妙迹旣成國寶豈許家藏竊聆將勒貞碑始揮神筆風亭減暑天酒呈祥固知垂露之蹤便成甘露况假崩雲之勢永耀法雲宜乎琬琰之詞鎮彼瑠璃之地共傳嘉瑞永振芳聲然則陷煬帝之故都永爲寶窟謝將軍之舊宅終作福田下情無任捧讀祈禱榮懼之至其碑謹專諮納謹狀

桂苑筆耕集卷十八

七

海山仙館叢書

謝示延和閣記碑狀

某啓昨日觀察衙推邵宗傳奉處分賜及延和閣記碑本一軸者跪展真蹤仰窺臣節對銀鉤而手舞足蹈望玉輦而魂飛膽揚伏以太尉力贍補天心勤捧日遂啓遷都之議佇聆徒蹕之期恭候宸遊儼成壯觀但以魯章摘句素非吳主之心進牘抽毫唯在陳王之命爰令幕客謹撰碑詞支使侍御邱門顏回融帳廬植能揮真筆妙寫尊襟敘三年望幸之丹誠則鼓傳厥聽述一片勤王之忠節則鏡照羣迷實乃酣飫德馨備陳事實永

使奇功祕畧皆令陋古榮今太尉相公志切迎鑾喜勝
覽檄旣贊美於凌雲百尺將掩能於入木八分遂乃親
染綵毫俾鐫翠琤隨手而龍蛇旋活迎風而劔戟交橫
畫玉點珠豈可比蘭亭醉本撇雲挑霧只宜示蓬島真
仙誰料末儒亦叨殊貶輒敢覬覦將顧是知誘諭屏庸
何則名題桂宮跡隸蓮府雖忝一時之有遇實無萬代
之可稱今者支使侍御以好善心得稽古力騁真才子
之藻思辱大丞相之筆蹤推爲賓席殊榮別是儒家盛
事則彼郭隗受黃金厚禮虞卿沾白璧深恩強欲比方
却成浼蹟然則四方舐墨含筆之士也莫不競效頰眉
之態潛希唾日之恩仰脩脩然勤慥慥爾如某者學海
至海雖云有心執柯伐柯猶恐傷手持弊箒而徒增健
羨遇神錐而便欬投降唯願讀五千卷之書庶幾入室
把十九年之刃無愧發硎每覩仙書更敦壯志稍希異
闕黨童子何敢望儒林丈人其所賜碑唯慎捧持敢矜
披閱待過天池之外遍誇日域之中想彼驪龍頷下之
珠永當減價巨鼇頭上之客必欲偷看下情無任寶玩
師仰之至

桂苑筆耕集卷十八

八

海山仙館叢書

謝改職狀

右某伏蒙仁恩特賜公牒改署館驛巡官今隨旌旆西去者雖命重難荷而身輕欲飛稱心懷捧檄之榮滿口詠從軍之樂唯慙幽劣有辱獎憐感恩而旣識海深舉步而但憂冰薄况無孫奉之精騎自比顏峻之小兒將何以剖析事機游揚德業然所願者得睹龍飛玉劒豹製牙旗風雷振大捷之聲日月照中興之運則某也有望於一言長價或爲天上之人萬里從知免作池中之物行唯踴躍坐則禱祠下情無任榮抃兢灼之至謹齋

桂苑筆耕集卷十八

九

海山仙館叢書

沐祇候陳謝

謝探請料錢狀

某啓某頃者西笑傾懷南音著操蓬飛萬里迷玉京之要路通津桂折一名作金胸之懸疣附贅乃是常常之事徒云遠遠而來海隅未覺於榮家江徼况勞於佐邑由是詠南陔而引咎望東道以知歸伏蒙太尉念掃德門許遷代舍濡毫染牘深慙雪苑之清才頂豸腰魚遽忝霜臺之峻秩傳天上披衷之命榮日邊垂白之親以宣父見知則實同陳隼以遠人多幸則不讓漢貂雖乖

就養無方久想宗族稱孝然而煙波阻絕難申負米之心風雨淒涼空灑梁山之泣既疎溫清又闕旨甘但切責躬敢言養志况又無鄉使難附家書唯吟陟岵之詩莫遇渡溟之信今有本國使船過海某欲買茶藥寄附家信伏緣蹄涔易竭溝壑難盈不避嚴誅更陳窮懇伏惟太尉念以依門館次三千客別庭闔已十八年既免行傭有希反哺特賜探給三箇月料錢所冀祿遂及親遠分光於異域志能求己永投跡於仙鄉干躓台階下情伏增感泣兢悸懇迫之至其請錢狀別具上呈云云

桂苑筆耕集卷十八

十

海山仙館叢書

與恩門裴秀才求事啓

某伏念身托德門光生異域雖池蛟得雨無沈埋末路之憂而海燕含泥有點汚畫梁之罪跡賤而兢惶倍切恩深而展效何期豈合更寫卑誠仰塵尊德但以事非獲已情或可哀不辭銖鉞之誅冀滿斗筲之望伏緣某昨聆座主侍郎主銓東洛道路不通且在襄州行李極困早欲發遣專使切緣力未副心今有諸兄弟裴瓌遠將窮懇相告輒具別狀干瀆台階下情無任戰灼之至

前湖南觀察巡官裴瓌啓

右件人是某座主侍郎再從弟某去乾符三年冬到湖
南起居座主侍郎之時見於諸院弟兄中偏所記念自
數年繼遭剽劫生計蕩盡骨肉凋零久在江南近投當
府願披情懇泣告尊慈駐畱多時不幸疾苦遂且扶持
發去云欲逕往襄陽迎接侍郎今得書云行至滁州前
去未得道途既阻溝壑是虞况乃孤孀三十餘口更無
產業未卜定居伏緣某家寄日邊路踰天外杳無來信
固絕他圖既無寸土以分耕寧有尺波而假潤是以不
量僭越輒具薦論命懸沸鼎之中日斷台階之下非不
知將虎鬚之險非不知探龍頷之難但緣既忝門生豈
論賓貢鴛鴦之與螻蟻感恩皆同多士之與遠人報德
何異伏乞太尉相公念以程窮計盡缺其柱促聲哀特
賜於廬壽管內場院或堰埭中補署散職所冀月俸俸
入便獲安家裴瓌卽自到襄州令弟壽仰副驅策不度
涯分浼瀆尊嚴下情無任感泣兢懼之至

獻生日物狀

某啓伏以降跡仙山爲行恩於俗界挺神維嶽期定亂
於危時是以杞梓材長松椿壽永名字已標於金錄兵

符暫理於玉鈐伏惟太尉相公員嶠稟靈尼邱誕質大
任天降中庸日彰四夷識傾膽之門遠棲仁蔭萬姓歸
返魂之域盡飽德馨况今秦甸停氛鎬京聚孽息虎旅
奔沈之思望豹篇擒縱之機暫施決勝之謀永致昇平
之運則必坐寧環海後當去會瑤池五色輕雲鎮隨行
止千年素鶴競效驅馳獨保長生卻登真位調鼎佐玉
皇之命銜杯聽金母之歌自此漢室公卿仰羨而空知
望斷仙家朋友相逢而不訝來遲某居近鼇峯遇深驥
坂每睹張良之術唯吟郭璞之詩喜對今辰敢陳善祝

桂苑筆耕集卷十八

十一

海山仙館叢書

龜蛇病骨叨承救活之恩雞犬癡心竊有奮飛之望下
情無任虔禱依攀欣抃之至輒以海東藥物輕贖尊嚴
謹具別幅伏惟俯賜念察謹狀

又狀

某啓某聆天降賢人濟天下之人也是以材合地寶性
契天和高闢德門深匡帝室伏惟太尉相公漢師仙格
魯聖儒機推心於三代之英鍊氣於五行之秀今者正
融韶景共慶誕辰四方飽開閣之恩萬族獻稱觴之懇
伏惟龍韜暫展靜卷妖氛輦遄歸永興清運然後誠

白石生之妙術從赤松子之勝遊鰲頭擊五色之雲久
勞西望豹尾指二京之路蹙事北征佇揚滅寇之勳便
舉朝真之禮某棲身大廈祝壽中春下情無任禱祠歌
詠欣躍之至謹具別狀輒申微誠伏惟恩慈俯賜念察
謹狀

物狀

海東人形參一軀 銀裝龕子盛

海東實心琴一張 紫綾袋盛

右伏以慶資五福瑞降三清中春方盛於香風上德乃

桂苑筆耕集卷十八

十三

海山仙館叢書

生於遲日凡荷獎延之賜合申獻賀之儀前件人參並
琴等形稟天成韻含風雅具體而既非假貌全材而免
有虛聲况皆採近仙峯攜來遠地儻許成功於藥臼必
願捐軀如能入用於蓬壺可知實腹誠慙菲薄冀續延
長塵黷尊嚴倍增戰灼伏惟俯賜容納下情幸甚

蓬萊山圖一面

右伏以重陽煦景仙界降真雖長生標金籙之名而眾
懇祝玉書之壽前件圖千堆翠錦一朵青蓮雪濤蹙出
於墨池鯨噴可駭雲嶠湧生於筆海鼇戴何輕不愧瑣

微輒將陳獻望臥龍而股慄隨賀燕以魂飛伏惟畧鑑
心誠俯賜容納所冀近台座而永安寰海展仙齋而便
對家山許沾一顧之榮預報三清之信輕躋視聽下情
無任禱祝歌謠兢灼之至

人參三觔 天麻一觔

右伏以昂宿垂芒尼邱降瑞始及中和之節爰當大慶
之辰仰沐尊慈合申卑禮前件藥物採從日域來涉天
池雖徵三楹五葉之名慙無異質而過萬水千山之險
貴有餘香不揆輕微輒將陳獻所冀海人之藥或同野

桂苑筆耕集卷十八

十四

海山仙館叢書

老之芹伏惟特恕嚴誅俯容愬續靈壽則後天而老
駐仙顏而與日長新下情無任禱祝忻躍兢惕之至謹
狀

端午節送物狀

織成鞍幞一條

右伏以晏陰將定令節俄臨遇天地之仁時睹江淮之
樂境伏惟太尉應五百年景運用八千歲爲春仰贊壽
風高揚畏日不假渡瀘之役自成匡漢之謀某忝在末
寮合陳微禮前件鞍幞鴛機呈妙獸錦成華當憩影於

追風或資光於照地伏願鞍也助百福永安之慶僕也
表四方率服之誠干蹟尊巖下情無任禱祝兢惶懇激
之至伏惟俯賜容納謹狀

雪扇一柄

右伏以星火揚輝雲峯聳影遇陳太守饗遙祠之節效
華封人祝仙壽之誠前件扇細糝飛綿輕鋪凍練雖假
丹青之跡實含潔白之姿裁規則不學齊紈空誇圓月
委質則願依孫閣得振仁風謹獻台堦無任悚慄伏惟
俯賜容納百生榮幸謹狀

桂苑筆耕集卷十八

五

海山仙館叢書

謝新茶狀

右某今日中軍使俞公楚奉傳處分送前件茶芽者伏
以蜀岡養秀隋苑騰芳始興採擷之功方就精華之味
所宜烹綠乳於金鼎泛香膏於玉甌若非精揖禪翁卽
是閒邀羽客豈期仙貺猥及凡儒不假梅林自能愈渴
免求萱草始得忘憂下情無任感恩惶懼激切之至謹
狀陳謝謹狀

謝櫻桃狀

右中軍使俞公楚奉傳處分伏蒙賜及前件櫻桃者伏

以三春之下始閱羣芳百果之中獨誇先達綴仙露而
堪教鳳食被德風而皆許鶯含遂令摘自喬枝分其美
實豈期末品亦荷深恩捧持而色奪楚萍咽嗚而味欺
蘇橘何必貯赤瑛盤上最宜對白玉樽前勻排萬顆之
珠不唯眼飽似服一丸之藥便覺身輕下情伏增感戴
之至謹奉狀陳謝謹狀

謝冬至料狀

右伏蒙仁恩特賜前件節料者伏以某忝棲德宇不愧
異鄉萬里滄波雖恨絕東來之信三冬愛日且歡迎南
至之辰豈料尊慈別垂厚賜玉粒既資於同穎霜華乃
出於兩歧不勞大嚼之言卻懷中聖之慮莫識酬恩報
德唯知飽食醉吟下情無任兢懼之至謹狀

謝寒食節料狀

右伏蒙仁慈特賜前件節料米麪羊酒等者伏以缺人
舉合回祿沮威正吟化俗之仁風又對順時之甘雨仰
沾豐饒過瞻新炊况乃蟻慕芳羶蛆浮清醞捧恩光而
飽飲豈止三朝玩春色而醺酣可期千日祗知歌詠何
報陶鈞下情無任感戴之至謹奉狀陳謝謹狀

謝社日酒肉狀

右伏蒙恩慈特賜前件酒肉等者伏以候燕應期句龍
受祀一半之韶光欲老千般之旅思相攻只知吟樂國
之春豈料捧仙家之賜陵分甘臙淮減香醴想田夫醉
舞之場起海客狂歌之興敢效陳平壯志便發大言唯
竚徐邈前蹤畧拌中聖其肉並酒謹跪頌訖下情無任
感戴之至謹狀

謝匹段狀

緋羅 紫綾 紫天淨紗 紫平紗 黃平紗

桂苑筆耕集卷十八

七

海山仙館叢書

黃綾 黃絹 熟綿綾袴段

右伏蒙仁慈特賜前件匹段霞舒鳳縷雪疊鮫綃猥分
絳帳之餘俾換褐袍之飾不學王尼巧說遽叨盧志殊
榮唯慙螻蟻之姿不稱蜉蝣之什但願勵食藁飲冰之
節報披朱拖紫之恩下情無任感戴兢惕涕泣之至謹
奉狀陳謝謹狀

桂苑筆耕集卷十八終

南海譚瑩校

桂苑筆耕集卷十九

別紙狀書共二十首

別紙狀

別紙九首
狀一首

上座主尙書別紙

賀除吏部侍郎別紙

賀除禮部尙書別紙

濟源別紙

迎楚州行李別紙二首

五月一日別紙

謝降顧狀

桂苑筆耕集卷十九

一

海山仙館叢書

與金部郎中別紙二首

書
十首

與容將書

謝宋綯侍御書

答裴拙庶子書

謝高祕書示長歌書

謝李瑄書

謝元郎中書

謝周繁秀才以小山集見示書

與壽州張常侍書

賀楚州張義府尚書

與假牧書

上座主尚書別紙

不審近日尊體寢膳何似道惟滌慮德以潤身致五福
之併臻迎百靈之所薦伏惟節宣無爽時望有歸某竊
窺曩史之傳芳備載達僚之晦跡疏太傅登其祖帳僅
涉沾名陶朱公泛彼柏舟未忘邀利豈若尚書中庸守
志大隱存神表獨見之能察未萌之事遂得高揚素節
夙避危時到處烟塵不污指鴻之目終年雲水能怡夢
蝶之心然而宸鑑屢回物情猶鬱欲作山中宰相其如
天下蒼生卽期大駕還京必赴上台虛位斯乃萬乘瞻
矚四方禱祈某海燕含泥忝棲雲屋池蛟得雨早脫塵
塗感恩自比於互鄉仰德但思於闕里唯願泥沙賤質
永資陶冶深恩卑情不任攀戀虔祝涕泣之至謹狀

賀除吏部侍郎別紙

某啓伏承榮膺寵命伏惟感慰張司空之一匡西晉則
藻鑑無倫謝太傅之忽起東山則丞黎是念苟欲幽棲

悅志獨處忘懷緘輝而耻耀秦臺蘊味而懶調殷鼎則
乃智者仁者止傳樂山水之名賢才俊才盡失脫塵泥
之望羣情久鬱美命遂行今者侍郎靜揖巖扉高提銓
管萬族仰清通之譽一時進寒素之徒致使關中之寇
孽災消海內之英雄道泰近又竊聆風議仰測天心必
謂文司再歸重德然則任賢得地旣叶五百年之期好
學趨門必盈七十子之數繼集仙遊於蓬島盛傳儒禮
於杏壇旣搜虹玉驪珠皆成國寶佇見臺鸞閣鳳永作
家禽某伏思萬里無依久勞漂蕩十年有遇幸遂奮飛

桂苑筆耕集卷十九

三
海山仙館叢書

異鄉榮垂白之親達路忝披朱之飾昔名士爲李公御
者喜抃猶多今遠人稱尼父生徒光輝無比陳至懇而
喙輸三尺望深仁而腸結九回下情無任抃賀踴躍感
激之至伏惟俯賜念察謹狀

賀除禮部尙書別紙

伏承天恩榮膺寵命伏惟感慰昔子貢曰夫子之文章
可得而聞夫子之言性與天道不可得而聞也然則至
於四科弟子窺測尙難况是萬里遠人鑽仰何及固不
效尤於篆刻請益於琢磨強搜類鶩之詞是黷猶龍之

德今者遠聆美命俯切歡心望峻中臺迴冠鴛鷺之列
恩深大廈空傾燕雀之誠伏惟捨念雲泉拯民塗炭輔
弼契千年之運奸雄避七日之誅某跡忝諸生身拘倖
職末由陳賀下情無任抃躍兢惶禱祝之至伏惟俯賜
念察謹狀

濟源別紙

不審近日尊體何似伏想孟津別壤沉水清源風清而
歌枕泉聲雲曉而捲簾山色既見境含秀麗固當道脫
冲和伏惟每慎寢興早歸變理顯驗月中之夢贊成天
下之春卑情無任攀戀禱祝之至謹狀

桂苑筆耕集卷十九

四

海山仙館叢書

迎楚州行李別紙二首

不審近日利涉長淮尊體寢賸何似伏以源滋桐柏浪
接蓬萊雖慙臨鬱燠之期而宛對清虛之境開樂鏡而
真同月映泛膺舟而况值風調誰言避地之行貫叶濟
川之業伏惟緩飛仙棹靜運真筌庶納休禎每加遵護
卑情懇望謹狀

又

某啓今月某日專使至伏蒙恩慈特降尊誨跪讀欣抃

不任下情伏審尙書遠赴天庭將遵水道整蘭橈而思
郭泰指桂苑而訪劉安睹神仙則楚俗皆驚聞雅頌則
魯儒相賀况某材實慙於楛矢跡嘗列於蓬壺爲倚德
門獲棲候府今者佇迎鶴駕卽覲龍章既知天幸遭逢
唯切日深踴躍且曾暫陳浴沂之志只見虛談仲由悅
浮海之言終非實事輒以管窺廷擊真爲古陋今榮卑
情無任攀戀欣抃兢惕之至云云

五月一日別紙

某啓伏以黃雀風高蒼龍星耀弄雨而梅雖應夏鋪煙

桂苑筆耕集卷十九

五
海山仙館叢書

而麥已驚秋時定晏陰缺資全德伏惟尙書處身無躁
深守禮經視履考祥雅符易道恬澹則老聃讓美清虛
則周顛懷慙冰光長泛於玉壺豈須獨映天意久畱其
金鼎唯望親調方嘗鷓泛仙舟必見鳳銜睿筆入康帝
室永福寰區下情無任虔禱鬱戀激切之至謹狀

謝降顧狀

某啓某未遂山樓尙從塵役所居官舍深在軍營雖異
衡門實同陋巷旣乏君章之蘭菊可襲馨香空餘仲蔚
之蓬蒿偏資寂寞春日則蝶牽晝夢秋風則蛩助夜吟

以此爲娛無他所覲今者方經離亂再獲起居但喜攀
父母之恩却慙下兒女之淚况某叨榮秦爵就學漢儀
姜維之膽氣雖麤鄧艾之口詞甚訥唯深感激莫備啓
陳伏蒙尚書念以遠方察其獨立俯憐素志每煦溫顏
聽及階及席之言佇銘骨銘肌之懇早來又蒙降三清
之僊駕顧一畝之窮居方慙隨入室之賢豈料忝式廬
之念非所敢望將何自安莫不思光遠耀於殊鄉卑迹
永超於末路揣庸賤則華夷有隔較輝榮則古今無倫
數年乖豹隱之期常低俗眼此日覩鳳儀之後豁展愁
眉下情無任感戴欣抃兢惕之至謹祇候起居陳謝謹
狀

與金部郎中別紙二首

不審近日尊體寢膳何似旣明且哲則詩美賢人視履
考祥則易稱君子旣樂持盈之道固安養素之機况屬
遲日載陽光風遍煦燕歌鶯舞深資酌桂之歡智水仁
山靜悅據梧之興伏惟永資景福早副急徵擲元賞於
煙霞濟蒼生於塗炭羣情禱望天下幸甚謹狀

又

某啓某仰審格言側窺性行人能宏道賢臣以致美舜
爲先世實須才俊士以效巢由是恥古者只傳於方策
今也共仰於德門伏惟郎中大雅含清中庸處厚旣以
高名肅物能將全德鎮時柱清空而嶽頂無雲瑩秋色
而潭心有月比者蘭拋粉闌竹領朱轡出分天子之憂
來慰海人之望况彼郡也戶吞越水窗列吳山得袁宏
舉扇之風靈濤宿怒使謝運枉帆之路鈞渚含春及其
五袴傳歌百錢流譽尋迎睿渥遙陟華資懷寶令名誰
發迷邦之問司珍正位佇成匡國之謀而乃得之若驚

桂苑筆耕集卷十九

七
海山仙館叢書

直而不倨選勝於巖軒澗戶貪歡於酒賦琴歌久聆萬
乘虛懷忍見四方失望今者梟聲向息鳳紀重興晉傅
長才待示指南之制魏牟積變佇申拱北之誠入覲裳
階坐調梅鼎豈止應月中之夢必期成天下之春然則
致堯舜之大猷永匡宸展效巢由之小節不改尊襟某
遠賣鮫綃慙非重價仰趨馬帳忝預生徒下情無任攀
戀禱祝兢惕之至云云

與客將書

某腐芥無依斷蓬自役長走而未離塵土獨行而轉因

路歧昨者遠抱危誠專趨朗鑑竿聲恐濫琴調空悲伏
蒙將軍念某來自異鄉勤於儒道曲垂提挈得遂獻投
指喻情深師冕不爲瞽者獎知言重下和免作罪人荒
淺何堪輝榮已極但以某無媒進取有志退居以詩篇
爲養性之資以書卷爲立身之本卻緣雖曾食祿未免
憂貧趙囊則到處長空范甌則何時暫熱况乃家遙四
郡路隔十洲窮愁則終夜煎熬遠信則經年隔絕時情
冷澹俗態澆訛買笑金則易求讀書燿則難致天高莫
問日暮何歸始知學者之心須托至公之力今幸遇相

桂苑筆耕集卷十九

八

海山仙館叢書

公山包海納雨潤風行有片言可獎者稱譽出羣有小
技可呈者隨材入用是以無一物不歸美化無一夫不
荷深恩然則舉中國之人咸承煦育豈可令外方之士
獨見棄遺某不揆庸才敢投清德豈料將軍許垂拯拔
每賜吹噓他人之得喪榮枯皆推命分小子之昇沉進
退只在恩私儻或特假重言終榮賤質唯托針能入線
則同錐得處囊某已倚宦途粗諳吏道如能驅策未必
踰藏終當富見室家豈懼職榮州縣實以流年易邁壯
氣難申唯望庇庥得期變化所冀燕棲雪屋永無巢幕

之危鶴出塵籠豹識乘軒之便今欲專修啓事再獻相
公少申感謝之懷預寫辭違之懇未知可否先取指麾
且某也姜維之膽氣雖麤鄧艾之口辭甚訥縱申拜謁
難具啓陳聊托牋臺代披肝膈未能患己先切求仁將
軍之心若鏡焉無幽不察小子之身猶箭也唯命是從
干浼既頻慙惶益切伏惟終始俯賜念察謹狀

謝宋綯侍御書

伏蒙殊造俯念移居借賜官車得離旅館發爰則免勞
自負簞瓢則各職所安如承命駕之恩但勵抹輪之志
今者卜鄰甚靜學殖可成惟局袁粲之門不掃陳蕃之
室雖乘機立事輸他附勢之榮而守道安貧贏得愛閒
之樂既諧素志但感深恩伏惟終始俯賜念察謹狀

答裴拙庶子書

某遠離海島旅宦江皋比者暫願退居稍期肄業來投
樂國冀濟窮塗本望少贍山資便諧谷隱伏蒙太尉念
以雀有多病鶴自遠來特署職名俾趨恩化尋緣狂花
有失腐芥無依轉知山鹿野麋唯宜退縮永謂鴻偉鶴
侶不合攀瞻况乃器比斗筭之人身隨刀筆之吏旅舍

既拘於錐堞閒門可設其雀羅自前年伏承庶子暫阻
朝天偶來避地便欲托金牌之幸會敘玉李之獎憐專
候起居願搜誠懇蓋慮跡賤而動多悔吝才微而易見
棄捐強自微攀舊恩是爲玷浼清德以此踰藏形影綿
厯歲時雖知提籌有門唯恐負荆無路豈料庶子恕以
未陳禱刺先降劉賤閔溫言而楚纒覆身捧華翰而隋
珠耀掌兼蒙賢弟起居未移曩顧遠賜榮緘不遺異域
之人特辱同年之字金膏珠粉旣垂塵拂之恩驥尾龍
髯重有依攀之望莫不駑駘長價瓴甌生光不唯誇銜

桂苑筆耕集卷十九

十

海山仙館叢書

於親朋實所輝榮於遠俗謹當占筮撰日齋沐拜塵
肝而盡懣卑誠擢髮而少逃厚責其他所奉尊旨謹具
別狀啓陳云云

謝高祕書示長歌書

伏蒙特飛榮誨寵示長歌玉海金山難測高深之本北
方南國徒觀美麗之姿簪詠無階師資有路正如青蓮
居士唯誇散誕之詞白石山人只騁荒唐之作但以風
月琴樽爲勝槩不以君臣禮樂爲宏規遂使千年萬年
所流傳皆嗟大雅小雅之淪弊今覩四十三叔行出入

表言成世資弄才子之筆端寫忠臣之襟抱在今行古
既爲儒室之宗憂國如家固是德門之事天有耳而必
當悔禍雲無心而亦可銷兵一言自此興危邦六義於
斯歸正道則所謂陳平宰社爾曹何知鄧艾畫營其志
不小永言他日足驗前程某畏影雖迷偷光匪懈既知
闕寶直若發蒙唯願將鵬舉篇章傳於異域豈獨以伯
魚對答誇向同聲下情但增感戴欽仰嗟歎之至續專
祇候陳謝

謝李瑄書

桂苑筆耕集卷十九

十一

海山仙館叢書

某啓某今月十日得祇候見太尉渤海風息蓬萊路通
慙非席上之珍謬作壺中之客伏蒙溫顏見照陋質增
榮鳳翼龍鱗終容攀附疑鷹鈍犬特許指呼勉其檢慎
之心諭以獎憐之意此皆副使不遺薄藝累發重言始
當獨臥北窗如蛙跳井豈料榮趨東閣似鶴乘軒風雲
旣識於因依冰谷不遑於安處感唯以泣誠止無言伏
緣旣忝從軍難爲乞假不獲祇候陳謝

謝元郎中書

某啓伏蒙太尉恩慈特賜轉職不任歡慶某元菟微儒

焦螟瑣質早因募善偶獲成名爾後客路多愁侯門寡
援麻衣始染於藍色竹簡尋推其桂香伏自去年刺謁
燕臺職叨鄭驛皆蒙郎中推心獎念假力薦揚使孤根
無委地之虞短翮有凌雲之望今者忽忝非常之遇深
慙不稱之譏雖樂從軍安敢尸祿且鷄披隼翼已覺非
宜難處鶴羣固當自責時日已具狀辭讓以此未敢祇
候陳謝伏蒙恩私特降榮誨奉讀欣抃不任下情

謝周繁秀才以小山集見示書

昨日早謁元成晚歸弊止覺戶庭之發光彩聞几案之

桂苑筆耕集卷十九

七

海山仙館叢書

散馨香遂因驚訊僕夫果得捧承畱示溫辭一幅粲然
受益之規雅什九篇蔚矣思多之思莫不振紀綱於六
義飾冠冕於七言既崇大雅之基實播中和之響伏以
諸從事鴻儒鳴侶鳳翥鸞翔集桂苑之名都占蓮池之
雅望二十三官卽先輩倘觀周樂深閱楚材各陳贊詠
之詞能展縱橫之作筆皆實錄機不虛張始窺八首之
前只謂衛多君子終覽九華之後方知魯出聖人某今
所以禱望者翠輦早遇東巡白環免勞西獻二十三官
百步穿葉一飛冲天姪娥則迎入桂宮王母則引歸蓬

鳥然後輟勝遊於御氣展長策於濟時來登郭隗之臺
坐弄陳琳之筆則乃今朝麗藻已掩八仙公之名他日
賓筵必盈缺才子之數見邱門之請禱待陳榻之解懸
某便欲銜璧乞降樞衣請益但以志勤詞戰唯將築室
反耕道拙世塗僅類杜門却掃未獲面申感謝謹專修
狀啓陳云云

與壽州張常侍書

當今聖天子在上賢丞相在下然而宿德令望可推者
唯我上公暨滑臺中令兩地而已初常侍靜芟前燧權

桂苑筆耕集卷十九

三

海山仙館叢書

握使符我上公以理狀聞請爲真守帝惟曰兪後常侍
撫安郡俗振肅兵威大元帥以雄才薦請貳前驅帝亦
唯曰兪是得弄印分榮剖符行化踰月報政盡活疲氓
實謂壽之人永居壽域矣則乃常侍遇賢丞相之知入
聖天子之用乃武乃文多才多藝固以播在四海某豈
敢一二而談詠也今所禱願者碧幢紅旆高引前途相
幕將壇別張勝地謂予不信神之聽之

賀楚州張義府尙書書

國家自兵興以來爵賞旣多官榮甚峻然而常恐授受

之未能宜稱盡善盡美固當有待今則尙書以累世勳望以數年戰功始假使符旋迎真命某將趨清德獲聽好音欣抃之來雀躍而已則非獨喜尙書展龔黃之美政實乃賀聖天子之得良二千石也伏惟云云

與假牧書

伏以近日俗尙書題言矜贊祝苟非全德多是愧辭某執性近愚處身斯直以目所覩以耳所聆方敢詠歌固無諂笑某自達仁境如歸故鄉見百姓之安則知三軍之樂也見鄉閭之泰則知郡邑之肅也若非常侍寬猛

桂苑筆耕集卷十九

七
海山仙館叢書

相濟恩威並行則何以至村落之居室家相慶自近及遠嬉嬉然喜遇慈父然則政成一境名達九重卽計冠聳豐貂旗纒建隼榮膺真拜大洽羣情某每聽謳謠深增禱祝伏惟昭察謹狀

桂苑筆耕集卷二十

啓狀別紙祭文詩共四十首

啓 一首

謝許歸觀啓

狀 三首

謝行裝錢狀

謝再送月料錢狀

謝賜弟棲遠錢狀

別紙 五首

上太尉別紙五首

桂苑筆耕集卷二十

祭文 一首

祭嶮山神文

詩 三十首

陳情上太尉詩

奉和座主尙書絕句三首

歸燕吟獻太尉詩

酬楊贍秀才送別詩

行次謝太尉衣段詩

畱別女道士詩

酬進士楊贍送別絕句

楚州張尙書謝相迎詩

酬吳巒秀才絕句二首

石峯詩

潮浪詩

沙汀詩

野燒詩

杜鵑詩

海鷗詩

桂苑筆耕集卷二十一

山頂危石詩

石上矮松詩

紅葉樹詩

石上流泉詩

和友人除夜見寄詩

東風絕句

海邊春望絕句

春曉閒望絕句

海邊閒步詩



將歸海東嶠山春望詩

和金員外贈嶠山清上人絕句

題海門蘭若柳絕句

謝許歸覲啓

某啓早來員外郎君傳奉尊旨伏蒙恩慈念以某久別
庭闈許令歸覲者仰銜金諾虔佩玉音雖尋海島以榮
歸古今無比且望烟波而感泣去住難安伏緣某自年
十二離家今已二九載矣百生天幸獲托德門驟忝官
榮仍叨命服一身遭遇萬里光輝是以遠親稍慰於倚
門遊子倍榮於得路唯仰趙衰之冬日深暖旅懷豈唯
張翰之秋風遠牽歸思且緣辭鄉歲久泛海程遙佳傷
烏鳥之情去懷犬馬之戀唯願暫謀東返迎待西來仰
托仁封永安卑跡今卽將期理缺但切戀軒下情無任
感戴兢灼涕泣之至謹奉啓陳謝云云

謝行裝錢狀

伏蒙仁慈特賜錢二百貫又令辦行裝者謹依處分奉
領訖伏以某學虧力行事過心期燕鶯銜泥點汚常慙
於廣廈鼇頭抃嶽低徊暗避於連鉤每慎行藏深規蹶

靜豈謂謙而受益或希屈以求伸今者果逢尊慈令將
遠命榮歸故國免挈空囊比陸生南說之囊裝倍多輝
煥異孔氏東還之輜重豈慮焚燒且彼虞卿白璧郭隗
黃金徒欲耀名終非濟事是若念其就養愍以食貧減
二十日之堂封濟數千里之家信累載莫申其勞苦一
朝頓贍於旨甘寧親而既佩銀章倍榮衣錦戀德而但
垂珠淚願效賣綃下情無任感恩榮抃涕戀兢惕之至
云云

謝再送月料錢狀

桂苑筆耕集卷二十一

四

海山仙館叢書

某啓昨日軍資庫送到館驛巡官八月料錢伏緣某將
命遠方已奉公牒暫離候館即指歸程既蒙別賜行裝

豈令缺缺職俸缺缺難領受遂便送還不知庫司具狀申

上上伏奉缺缺者筆飛雲鳳顯示深恩縉耀天龍仰資

厚缺缺遂還家之望實驚潤屋之言遠地賤微雖有慙

於缺缺故鄉親識必致敬於金多通神則益驗魯褒執

癖則缺缺伏以尊卑禮隔辭讓無由謹依處分跪

頌訖下情無任感恩戀德激切徘徊兢灼之至云云

謝賜弟棲遠錢狀

某啓某堂弟棲遠比將家信迎接東歸遂假新羅國入
淮海使錄事職名獲詣雄藩將歸故國昨者伏蒙仁恩
特賜錢三十貫者伏以崔棲遠遠涉煙波大遭風浪僅
存微命唯有空身雖志切鵠鴒竊慕在原之義而譽慙
騏驎難期得路之秋銜蘆而但喜聯行泛梗而免虞失
所今者某以榮奉使得遂寧親貨泉沾潤之名實稱子
母歸路光榮之事皆屬善人下情無任感恩欣躍兢惕
之至

上大尉別紙五首

桂苑筆耕集卷二十

五

海山仙館叢書

某啓昨以鄉使金仁圭員外已臨去路尙闕歸舟懇求
同行仰候尊旨伏蒙恩造俯允卑誠今則共別淮城齊
登海艦雖慙李郭之譽免涉胡越之言路遠無虞不假
琴高之術巨川能濟唯懷傳說之恩下情無任感戀之
至云云

又

某啓伏奉手筆批誨一行人並喜將息穩風濤者俯顧
微流仰窺尊念望淮海則陟遐自邇指風波則視險如
夷遍灑溫言盡叨恩於挾纊缺敷至懇願無愧於賣綃

下情無任感激攀戀兢灼之至云云

又

伏奉尊誨藥袋子懸於船頭不畏風浪慎勿開之者仰
掛青囊遠踰碧海必使天吳息浪水伯迎風既無他慮
於葭津可訪仙遊於蓬島唯願往來無滯忠孝克全萬
里安流永缺濟川之力百年苦節不欺臨谷之心下情
無任感戴兢灼之至

又

某舟船行李自到乳山旬日候風已及冬節海師進難

桂苑筆耕集卷二十

六

海山仙館叢書

懇請駐雷某方忝榮身唯憂辱命乘風破浪既輸宗慤
之言長楫短篙實涉惠施之說雖仰資恩煦不懼險艱
然正值驚波難踰巨壑今則已依曲浦暫下飛盧結茅
茨以庇身糝藜藿而充腹候過殘臘決揆行期若及春
日載陽必無終風且暴便當直帆得遂榮歸謹具別狀
咨申伏惟云云

又

某啓自叨指使唯欲奮飛必期不讓秋鷹便能截海豈
料翻成跛鼃尙類曳泥雖慎三思而行且乖一舉之雋

既勞淹久合具啓陳某嘗讀國語見海鳥爰居止於魯東門之外展禽曰今茲海有災乎夫廣川之鳥獸常知而避其災是歲也海多大風冬暖伏見今年自十月之交至於周正月畧無覺發倍覺溫燠必玃骨修濫祀幽改成詩靜思漢祖之興歌大風可懼遙想田橫之竄跡絕島難依遂於登舟近浦止泊籠鵠無矢藩羊自安唯願時然後行必當利有攸往泛艤艘而不滯指渤海而非遙冀申專對之能早遂再來之望伏惟云云

祭嶼山神文

桂苑筆耕集卷二十

七

海山仙館叢書

維年年日新羅國入淮南使檢校倉部員外郎守翰林郎賜緋銀魚袋金仁圭淮南入新羅兼送國信等使前都統巡官承務郎殿中侍御史內供奉賜緋魚袋崔致遠等謹以清酌生牢之奠敬缺懸于嶼山大王之靈竊以昔辨方圓始分清濁融作江海結爲山嶽石戴土而土戴石小者礫而大者巖然而罕有威神靜無稜角與堆阜而相接見邱陵之可學惟靈磊磊落落高臨鯤壑嶸嶸岳岳俯壓鯨潭上則爲雲霧縈纏之骨下則爲波濤激射之窟朝則迎金烏而前出夜則送銀蟾而後汲

是以峻德能彰乎東夏西夷元功不假乎南儵北忽則
彼織女之機倚河漢秦帝之橋架溟渤徒銜其名莫勞
我形每謂蘊藏其片玉豈唯廁列於雙瑣遂使往來者
虔度英靈祈禱者盡寫精誠既積繫之可薦信黍稷之
非馨今者仁圭等久銜遠命致遠也始奉殷聘喜歸舟
之既同行遊轡之能竝不患胡越之意殊寧懸李郭之
名盛去歲初冬及東牟東屬以滄流尙遠元律將窮浪
形勾匄而鷁難浮艦風響鸞鳳而鵠恐辭籠遂臧刳木
聊安斷篷一昨雖迎端月猶懼俊風延頸而待逢候燕

桂苑筆耕集卷二十

八

海山仙館叢書

同眸而送盡歸鴻方期利涉龜從筮叶直指雞林輕浮
芥葉豈輸馳馬之號願較秋鷹之捷遠詣靈峯難尋壽
官但覩其青蓮倒蘸於巨浸碧螺高拄於晴空仰威靈
之聳塵外想影響之飄雲中於是潔饋饌擇肥醲酒醴
斯臠牲牲粗豐謹齋薄禮敢覬陰功伏惟大王潛施呼
喻密降指蹤使波神拱手川后斂容楚師之南風且競
鄭伯之東道豁通照水鏡之心既分妍醜擘土囊之日
無雜雌雄則可朝穿汗漫暮截鴻濛去採石華必同謝
運行吟肉脯免效張融加以某臨川自審登木增懍憶

昔雪作夜光冰爲夕飲幾年獨勵於鼓篋今日方期於
扇枕將問荊州之絹忝披會稽之錦見寵若驚心如捧
盈雖智有不逮而時然後行况賈御筆慮滯王程今則
裏裝旣飾儼有行色翫淑景以歌吟汎安流於瞬息唯
托大王之風早歸君子之國俾傳帝命無曠神職尙饗
陳情上太尉詩

海內誰憐海外人問津何處是通津本求食祿非求利
只爲榮親不爲身客路離愁江上雨故園歸夢日邊春
濟川幸遇恩波廣願擢凡纓十載塵

桂苑筆耕集卷二十

九

海山仙館叢書

奉和座主尙書避難過維揚寵示絕句三首

年年荆棘侵儒苑處處煙塵滿戰場豈料今朝覲宣父
豁開凡眼睹文章

亂時無事不悲傷鸞鳳高飛出帝鄉應念浴沂諸弟子
每逢春色耿離腸

濟川終望拯湮沈喜捧清詞浣俗襟唯恨吟歸滄海去
泣珠何計報恩深

歸燕吟獻太守

秋去春來能守信暖風涼雨飽相諧再依大廈須知許

久污雕梁却自慙深避鷹鷂投海島羨他鴛鴦戲江潭
只將名品齊黃雀獨讓銜環意未甘

酬楊贍秀才送別

海槎雖定隔年迴衣錦還鄉愧不才暫別蕪城當葉落
遠尋蓬島趁花開谷鶯遙想高飛去

時楊生有隨行之計

遼豕寧

慙再獻來好把壯心謀後會廣陵風月待銜杯

行次山陽續家太尉寄賜衣段令充歸覲續壽信

物謹以詩謝

自古雖誇畫錦行長卿翁子占虛名既傳國信兼家信

桂苑筆耕集卷二十

十

海山仙館叢書

不獨家榮亦國榮萬里始成歸去計一心先算卻來程
望中遙想深恩處三朶仙山月畔橫

畱別女道士

每恨塵中厄宦塗數年深喜識麻姑臨行爲與真心說
海水何時得盡枯

酬進士楊贍送別

海山遙望曉烟濃百幅帆張萬里風悲莫悲兮兒女事
不須悵悵別離中

楚州張尙書水郭相迎因以詩謝

楚天蕭瑟碧雲秋，旆隼高飛訪葉舟。
萬里乘槎從此去，預愁魂斷謝公樓。

酬吳巒秀才惜別二絕句

榮祿危時未及親，莫嗟歧路蹙勞身。
今朝遠別無他語，一片心須不愧人。

殘日塞鴻高的的，暮煙汀樹遠依依。
此時回首情何恨，天際孤帆宰浪飛。

石峯

中和甲辰季冬十月奉使東泛泊舟於大珠山下凡所入日命爲篇名嘯月吟風將成十

首寄高員外

桂苑筆耕集卷二十

七

海山仙館叢書

巉岳絕頂欲摩天，海日初開一朵蓮。
勢削不容凡樹木，格高唯惹好雲煙。
點酥寒影粧新雪，戛玉清音噴細泉。
靜想蓬萊只如此，應當月夜會羣仙。

潮浪

驟雪翻霜千萬重，往來弦望躡前蹤。
見君終日能懷信，慙我趨時盡放慵。
石壁戰聲飛霹靂，雲峯倒影撼芙蓉。
因思宗慤長風語，壯氣橫生憶臥龍。

沙汀

遠看還似雪花飛，弱質由來不自持。
聚散只憑潮浪簸

高低况被海風吹煙籠靜練人行絕日射凝霜鶴步遲
別恨滿懷吟到夜那堪又值月圓時

野燒

望中旌旆忽繽紛疑是橫行出塞軍猛焰燎空欺落日
狂煙遮野截歸雲莫嫌牛馬皆妨牧須喜狐貍盡喪羣
只恐風驅上山去虛教玉石一時焚

杜鵑

石罅根危葉易乾風霜偏覺見摧殘已饒野菊誇秋豔
應羨巖松保歲寒可惜含芳臨碧海誰能移植到朱欄
與凡草木還殊品只恐樵夫一例看

海鷗

慢隨花浪飄飄然輕擺毛衣真水仙出沒自由塵外境
往來 缺缺 洞中天稻粱滋味好不識風月性靈深可憐
想得漆園蝴蝶夢只應如我對君眠

山頂危石

萬古天成勝琢磨高高頂上立青螺永無飛溜侵凌得
唯有閒雲撥觸多峻影每先迎海日危形長恐墜潮波
縱饒蘊玉誰回顧舉世謀身笑下和

石上矮松

不林終得老煙霞澗底何如在海涯日引暮陰齊島樹
風敲夜子落潮沙自能盤石根長固豈恨凌雲路尙賒
莫訝低顏無所愧棟樑堪入晏嬰家

紅葉樹

白雪巖畔立仙姝一簇煙蘿倚畫圖麗色也知於世有
閒情長得似君無宿粧含露疑垂泣醉態迎風欲待扶
吟對寒林却惆悵山中猶自辨榮枯

石上流泉

桂苑筆耕集卷二十

七

海山仙館叢書

琴曲雖誇妙手彈遠輸雲底響珊珊靜無纖垢侵金鏡
時有輕颺觸玉盤鳴咽張良言未用潺湲孫楚枕應寒
尋思堪惜清冷色流入滄溟便一般

和友人除夜見寄

與君相見且歌吟莫恨流年挫壯心幸得東風已迎路
好花時節到雞林

東風

知爾新從海上來曉窗吟坐思難裁堪憐時復撼書幌
似報故園花欲開

海邊春望

鷗鷺分飛高復低
遠汀幽草欲萋萋
此時千里萬里意
目極暮雲翻自迷

春曉閒望

山面嬾雲風惱散
岸頭頑雪日欺銷
獨吟光景情何限
猶賴沙鷗伴寂寥

海邊閒步

潮波靜退步登沙
落日山頭簇暮霞
春色不應長惱我
看看卽醉故園花

桂苑筆耕集卷二十

十四

海山仙館叢書

將歸海東嶼山春望

目極煙波浩渺間
曉鳥飛處認鄉關
旅愁從此休凋鬢
行色偏能助破顏
浪蹙沙頭花撲岸
雲粧石頂葉籠山
寄言來往鳴夷子
誰把千金解買閒

和金員外贈嶼山清上人

海畔雲菴倚碧螺
遠離塵土稱僧家
勸君休問芭蕉喻
看取春風撼浪花

題海門蘭若柳

廣陵城畔別蛾眉
豈料相逢在海涯
只恐觀音菩薩惜

臨行不敢折纖枝

桂苑筆耕集卷二十

十五

海山仙館叢書



桂苑筆耕集卷二十

南海譚學枝

四庫全書題要

臣等謹案敬齋古今齋元李治撰治字仁卿自號

敬齋真定欒城人金末登進士第辟知鈞州金亡後家于元氏世祖屢加禮聘最後以學士召就職朞月以老病辭去事蹟詳見元史本傳此書原目凡四十卷其以齋名者案漢書東方朔傳齋續充耳所以塞聰師古注謂示不外聽治蓋專精覃思穿穴今古以成是書故有取于不外聽之義元史本傳邵經邦宏簡錄黃虞稷千頃堂書目俱作古

敬齋古今註目錄

一 海山仙館叢書

今難當因字形相近傳寫致訛文淵閣書目題作宋人則又其攷核之不審也治此書專爲攷訂而作取載籍疑義一一詳辨其間偶疎者如以目擊道存解孟子不下帶比擬頗爲失倫又論匈奴傳單于乘騾遁逃淳化帖漢章帝書尙沿舊說又論小雅每懷靡及一條禮記鄭注温藉一條皆參雜韻語成章亦不免涉文人狡獪之習然其記間淹通于千古沿訛習謬之故實能鉤深索隱而洞見其所以然故其說經自漢唐諸儒傳疏以逮程朱

緒論皆折衷會通無所偏主其論史及子于司馬遷班固范蔚宗司馬彪令狐德棻歐陽修等紀錄之非楊倞李軌宋咸成元英王珣等注釋之誤無不剖別是正其評詩文于訓詁之異同體製之正變抉摘亦極爲精審在宋元說部中典核可比孫奕王觀國博瞻可比洪邁王應麟其他實未有能過之者也治著述最富今惟測圓海鏡尙有傳本餘多亡佚此書散見于永樂大典中者雖不及什之四五然菁華具在猶可藉以攷見崖略謹哀綴

敬齋古今叢目錄

二 海山仙館叢書

排次依經史子集以類分輯各爲二卷編訂成帙俾不致泯沒于讀書者旁參互證之功實不無裨助云乾隆四十年二月恭校上

纂官侍讀 臣 紀昀 叩

侍讀 臣 陸錫熊

纂修官庶吉士 臣 平 恕

不備限長不其特精文
大非默和幸鍾宋琳如
靈我固於懷宗同湯鎮
戴儲皆世聚會長無取
謝其論史及子于信思

敬齋古今註目錄

卷一 賦四十五條

卷二 經類三十三條

卷三 經類三十四條

卷四 史類四十六條

卷五 史類三十九條

卷六 子類三十三條

卷七 子類二十一條

卷八 集類四十二條

卷九 集類四十五條

敬齋古今註目錄

三 海山仙館叢書

敬齋古今註目錄

自終

敬齋古今艱卷一

元 李 治 撰

卦有六爻初二三四五上也卦有六德剛柔仁義陽陰也自下而上以之相配則初爻剛二爻柔三爻仁四爻義五爻陽六爻陰也只以乾一卦推之便盡此理

天體正圓如彈丸地體未必正方令地正方則天之四遊之處定相窒礙竊謂地體大率雖方而其實周匝亦當圓渾如天但差小耳又地體凝然不動顯著直方之德亦得謂之方也故乾卦不言天圓而說卦則云為天為圓說卦不言地方而坤卦則云直方大

敬齋古今艱卷一

一 海山仙館叢書

坎卦象辭水流而不盈第五爻辭坎不盈王輔嗣以前為險陷之極以後為險難未盡雖象爻各為之說而中間自有條貫不可亂也知此水流而不盈專指九二言之

歐陽公不信周易繫辭而于序卦則未嘗置論豈于十翼舉皆不信略摘其一二而言之歟將各有其說或問有可否于其中也夫六十四卦固有伏見翻置者亦有彼此對待者必以為聖人一一而次第之則殆有牽強

之累必以爲後人所述特託孔子之名以取信于世則是輕以誣聖牘也與其誣之母寧信之此蓋孔子見古之易書其諸卦前後相聯悉已如是因而次第之以爲目錄云耳初非大易之極致也或者欲以此爲羲文之深旨則謬矣

郭兼山先生說乾之策二百一十有六六之則三十六又四之則九也坤之策百四十有四六之則二十四又四之則六也故曰九六乾坤之策此其言六者卦別六爻也所得則每爻之正策也言四者策以四揲也所得則老陽老陰之正數也義固然矣然兼山先言大數而次言六之四之者皆非也正當云乾之策二百一十有六如卦別六爻而一則得三十六又以四揲而一則得九是謂老陽坤之策百四十有四如卦別六爻而一則得二十四又以四揲而一則得六是謂老陰如此則爲相應耳蓋算術凡言幾之者皆爲相乘非相除也陰陽相配之物而老少又必相當乾之策二百一十有六老陽也坤之策百四十有四老陰也老陰老陽相得爲三百六十則周蓍之日也乾之策一百六十有八少

陽也坤之策一百九十有二少陰也少陰少陽相得爲三百六十亦周暮之日也借使老陰少陰爲耦則得四百有八課于周暮之日爲多四十有八使少陽老陰爲耦則得三百一十有二課于周暮之日爲少四十有八多亦不能成歲功少亦不能成歲功蓋陰陽不相當也然其過與不及皆適均于四十八者陰陽老少之數皆相隔者二而乾坤每爻之策皆二十四二之二十四計得四十八也以是推之老陽多于老陰之策七十二則陰不及陽者二爻也少陽少于少陰之策二十四則是陽反不及陰者一爻也陰不可太過陽不可不及故于乾坤之策不取少陽少陰而專取老陽老陰三百八十四爻不取七八而獨取九六也

王弼既注易又作畧例上下二篇唐四門博士邢璣爲之序有云臣舞象之年鼓篋鱣序按禮記內則云十有三年學樂誦詩舞勺成童舞象學射御鄭元云成童十五以上又云擊鼓警衆乃發篋出所治經業又後漢楊震傳鸛雀銜三鱣魚案鸛雀原本作冠雀今據後漢書改正飛集講堂前鱣音善然則璣自謂年十五始入學也

唐邢璣注王弼周易略例其自序云孔北三絕未臻區
奧劉安九師尚迷宗旨以劉安而齒孔子邢子可謂不
知類矣

伊川易傳曰下愚而能革面何也曰心雖絕于善道其
畏威而寡罪則與人同也惟其有與人同所以知其非
性之罪也李子曰下愚畏威而寡罪爲與人同而知其
非性之罪則聖人之生知賢人之克己亦非性之功也
由是言之性無與于賢愚惟盡性者有能與不能耳

晦庵語錄論周易多說占得此爻爲君子之行則吉爲

敬齋古今註卷一

四 海山仙館叢書

小人之行則凶是有近千兒童之說易三百八十四爻
何者不然繫辭所謂吉凶者貞勝者也又云懼以終始
其要无咎豈有爲小人之行而獲吉者耶晦庵議論必
不出此此等直傳聞之誤

孔安國尙書序曰伏羲神農黃帝之書謂之三墳少昊
顓頊高辛唐虞之書謂之五典是以三墳當三皇五典
當五帝也然攷之司馬遷史記則云嫫力道反祖爲黃帝

正妃生二子其後皆有天下其一曰元囂是爲青陽青
陽降居江水其二曰昌意降居若水昌意生高陽是爲

帝顓頊也顓頊崩而元囂之孫高辛立是爲帝嚳嚳父曰螭極螭極父曰元囂元囂父曰黃帝自元囂至螭極皆不得在位至高辛卽帝位高辛子顓頊爲族子娶陳鋒氏女生放勳娶姬訾氏女生摯帝嚳崩而摯代立摯立不善崩而弟放勳立是爲帝堯又曰顓頊生窮蟬窮蟬生敬康敬康生句望句望生橋牛橋牛生瞽叟瞽叟生舜自窮蟬以至帝舜皆微爲庶人司馬遷所記止此而所謂少昊者絕不稱道甚可疑也按帝繫本紀家語五帝德皆云少昊卽黃帝子青陽是也又春秋左氏傳

敬齋古今雜卷一

五
海山仙館叢書

文公十
八年

少昊有不才子天下之民謂之窮奇杜預注云少昊金天氏之號次黃帝然則黃帝崩後少昊卽位爲得其實故孔安國以黃帝爲三皇之末以少昊爲五帝之首而次及高陽高辛氏也今司馬遷乃云黃帝崩葬橋山其孫昌意之子高陽立是爲帝顓頊顓頊崩帝嚳立帝嚳崩帝摯立帝摯崩而帝堯立帝堯崩而帝舜立是黃帝歿後殊無名少昊者也則諸書何爲備數以爲五帝乎蓋玄囂卽少昊氏而司馬遷謬誤不載錄耳司馬遷又謂玄囂是爲青陽降居江水此又妄也當是昌

意先降江水後降若水司馬遷既不以玄囂爲少昊謬謂青陽降江水昌意降若水也皇甫謐云黃帝在位百年而崩而通鑑舉要厯云黃帝在位六十五年謐又云顓頊在位七十八年舉要厯云顓頊在位一十八年豈少昊在位之年或在黃帝六十五年之後或在顓頊一十八年之前也耶

西伯戡黎奔告于受孔安國傳云受紂也音相亂然黎則今之黎城史記作者何也豈亦以音相亂乎皆不可必也

敬齋古今雜卷一

六

海山仙館叢書

五福六極皆指人事言之晉五行志說凶短折則謂人殤曰凶禽獸曰短草木曰折推原箕子之意寧復有此若福極之事兼飛走草木而言之則夫五福之中若富與攸好德六極之中若憂與貧豈飛走草木亦有是耶

嚶嚶草蟲趨趨阜螽注云興也嚶嚶聲也草蟲常羊也趨趨躍也阜螽蠻也箋云草蟲鳴阜螽躍而從之異種同類猶男女嘉時以禮相求呼疏曰以興以禮求女者大夫隨從君子者其妻也正義曰釋蟲云草蟲負蠻郭璞曰常羊也陸璣云小大長短如蝗也奇音青色好在

茅草中釋蟲又云阜螽螿李巡曰蝗子也陸璣云今人

謂蝗子爲螽子兗州人謂之騰許慎云蝗螽也蔡邕云

螽蝗也明一物案以興以禮求女者云云是經文下孔疏釋蟲云草蟲負螿至此是毛傳下孔

疏李治引之既稱疏曰又稱李子曰草蟲正言草中蟲

正義若兩人之說失于不檢耳阜螽卽蝗類草蟲嚶嚶而鳴阜螽躍而從之蓋以類

相求也說者旣以草蟲爲螽又以螽爲蝗又雜以常羊

負螿螿螿蝗子之屬卒無定名師說相承五經大抵如

此學者止可以意求之膠者不卓不膠則卓矣又中華

古今注曰結草蟲一名結葦好于草末折屈草葉以爲

敬齋古今艸卷一

七
海山仙館叢書

巢窟處處有之

詩曰人涉卬否卬須我友書曰子恐來世以台爲口實

孟子曰我善養吾浩然之氣子台卬我吾五者一也而

于一二句之內言之各異者或指我身或指我心心身

從異輕重之辭

氓之蚩蚩毛以蚩蚩爲敦厚之貌此殊害義且此篇序

云宣公之時禮義消亡淫風大行男女無別遂相奔誘

華落色衰復相棄背攷其詩則氓之蚩蚩抱布貿絲匪

來貿絲來卽我謀及女也不爽士貳其行士也罔極二

三其德此皆指言奔誘棄背之事也夫其人也又豈有敦厚者哉若曰氓之始來也詐爲是敦厚之貌而實相誑誘意或可通然按字書蚩蟲名亦輕侮也則蚩蚩者乃薄賤媮淫之態非敦樸謹厚之容也是故事之可鄙者曰嗤貌之至陋者曰媮又古無道之君有蚩尤者蓋以其蚩蚩之尤者而名之如渾敦窮奇檇杻饕餮之比毛氏乃以蚩蚩爲敦厚則真臆說耳不足據也

國風方秉蘭兮贈之以芍藥貽我握椒之類皆以爲外藉芳香可翫之物持贈所懷旣以盡其交結往來之懽

敬齋古今艴卷一

八

海山仙館叢書

且以表其深相愛慕之情也

屋甚渠庭甚除拱兩手而閒居何樂如之顧無所事于閒乃伐屋而瀦之犁庭而茨之拍拍焉徹筋骨而胠手足我旣無廬人且無以途是人也是果何爲者也詩皇皇者華云每懷靡及每懷靡及止言常恐不及耳而毛以爲雖懷中和猶自以爲無所及鄭以爲每人懷私則于事無所及句之二先生者豈非無所事于閒而瀦屋茨庭者乎鄭雖引春秋外傳以爲說吾以爲外傳亦各自爲說耳

古者登車有和鑾之音謂馬動則鑾鳴車動則和應也鑾或作鸞其義皆同鸞以其有聲鑾以其金爲之也杜預左傳注云鸞在鑣和在衡而毛氏詩傳云在軾曰和在鑣曰鸞軾乃車內所憑之物和在于軾車動未必能鳴衡軻之間與馬相比動則有聲此當以杜說爲正

角弓無教猱升木如塗塗附君子有微猷小人與屬猱之性善登教之登木則登必高塗之性善附以之附物則附必固以喻小人之性善讒佞而幽王好之則讒佞必愈甚故詩人曉之曰王其勿教猱猱之升木也若教

敬齋古今雜卷一

九

海山仙館叢書

之升木是猶以塗塗物豈有不附著者乎言小人不可昵近惟當信任君子耳今王不知其然于其九族之中號爲君子有微美之道者可親而不親乃于讒諂邪佞之小人與之連屬也鄭氏箋以爲人心皆有仁義教之則進又謂君子得聲譽小人樂與連屬實所未喻

白華篇嘯歌傷懷念彼碩人實勞我心正指申后爲碩人如碩人其頡衣錦綉衣皆指美者而言理明白而辭婉順無一毫可疑而說者乃以爲褒姒一何所見之偏

耶

詩大明會朝清明毛云會甲也疏謂會值甲子之朝不終此一朝而伐殺虐紂天下乃大清明無復濁亂之政毛云會甲者非訓會爲甲以會朝爲會甲也以會朝爲會甲者謂共會于甲子之朝也泰誓曰惟十有三年春大會于孟津又曰羣后以師畢會皆會集之明文也會朝清明言所會甲子之朝不待前徒倒戈已剪殷殺紂天下翕然變濁亂而爲清明也疏謂甲子之朝則誠是而云會值則與毛傳悖矣

生民或簸或蹂毛云或簸糠者或蹂黍者箋云蹂之言

敬齋古今薈卷一

十
海山仙館叢書

潤也舂而杵出之簸之又潤濕之將復舂之趨于鑿也疏孫毓云詩之敘事率以其次旣簸糠矣而傳以蹂爲蹂黍當先蹂乃得舂不得先舂而後蹂也旣蹂卽釋之烝之是其次也箋義爲長李子曰孫毓之言非也蹂者按抄之也今之舂者旣已簸去其糠矣必須重爲蹂按然後復投臼中而舂之先蹂後簸自爲次第然今蹂字次簸而言則是未簸以前將舂之際蹂雖不舉其蹂自明又旣簸且蹂必將復舂再蹂舂足以見趨鑿之意矣孫取鄭說爲長則必以蹂爲潤濕當之以蹂爲潤匪治

攸聞 案鄭箋以蹂爲潤濕取柔字爲義孔疏以蹂爲蹂踐以本字爲義此以蹂爲按抄則蹂當改蹂矣于

義未當朱子集傳謂蹂禾取穀以繼之訓解既明于詩之敘事亦不失其次附識于此

卷阿篇似先公昔矣鄭云嗣先君之功而終成之說者

曰成王之所繼嗣者先王也而云先公公是君之別名

說者之言非也士事也公功也先達例有此解蓋先公

即是先王之功

釋文云錢鈹古田器世本云垂作鈹宋仲子注云鈹刈

也然則鈹刈物之器也

長發受小球大球爲下國綴旒荷天之休傳云球玉綴

敬齋古今雜卷一

士 海山仙館叢書

表旒章箋云小玉尺二寸圭也大玉瑗也執圭摺瑗以

與諸侯會同結定其心如旌旗之旒繆焉擔負天之美

譽爲衆所歸鄉疏云毛以爲湯受二玉以作天子爲下

國諸侯之表章鄭以爲湯受二玉與諸侯會同而諸侯

心繫天子如旌旗之旒綴著于繆釋文繆所銜切絳帛

韻書史炎切旗幅爲繆

古詩三百五篇皆可聲之琴瑟口詠其辭而以琴瑟和

之所謂絃歌也古人讀詩者皆然使今學者能彷彿于

古人則人心近正庶幾詩樂之猶可復也

莊公十一年宋大水公使弔焉曰天作淫雨害于粢盛若之何不弔言若之何不弔所以致不敢不弔之意耳以文勢觀之其旨自見杜注不弔乃云不爲天所愍弔誤矣襄十四年衛獻公出奔齊公使厚成叔弔于衛曰寡君使瘠聞君不撫社稷而越在他境若之何不弔曰以同盟之故使瘠敢私于下執事有君不弔有臣不敏君不赦宥臣亦不帥職增淫發洩其若之何厚成叔所謂若之何不弔與弔宋之語其意一也杜于衛獻公無所釋而于宋則遽謂不爲天所愍弔者豈以爲莊公之

敬齋古今叢卷一

十一

海山仙館叢書

傳已有此解而襄公之傳不煩複說歟以爲衛獻播越乃其自取而宋之大水天實爲之故獨謂宋公不爲天所弔歟求之二說俱不可得而通也跡夫弔宋之語至于若之何一句則止容有天不愍弔之義而厚成叔旣云若之何不弔而其下方致弔辭則不弔之語必不主于天也且客弔主人必先指彼事次道己愆以相慰諭然後弔禮成焉謂天作淫雨害于粢盛指彼事也謂若之何不弔道己愆也今俱以爲指彼事無乃闕乎哉若曰淫雨由天降災上天所當愍悼若之何天不弔宋播

越由人失德上天不當垂卹若之何魯不弔衛宜事異而辭同此又兒童之見也夫天降災害所以警人君也播越固由于失德而天作淫雨安知其不由于宋君之失德乎論事初不當如此但因天作淫雨輒以不弔主天徵之事則有窒審之文則不完故爲辨之

左傳僖公六年許僖公見楚子面縛銜璧大夫衰絰士輿櫬楚子問諸逢伯逢伯對曰昔武王克殷微子啟如是武王親釋其縛受其璧而被之焚其櫬禮而命之使復其所又史記宋世家云武王克殷微子啟乃持其祭

故齋古今註卷一

三

海山仙館叢書

器造于軍門肉袒面縛左牽羊右把茅膝行而前武王乃釋微子復其位如故而孔穎達疏尙書于微子之命不信史記以爲遷之書辭多錯謬面縛縛手于後故口銜其璧又安得左牽羊右把茅也余以爲穎達之言未必是遷之言未必非蓋大夫衰絰非著衰絰必齋持之也許公使大夫齋衰絰士輿櫬微子所以如是則齋而輿之者必其從者也宋世家又謂持祭器造于軍門所謂祭器者雖不必備計不一而足亦當令從者持之喪服櫬簠簋之類皆屬諸從者則左牽羊右把茅亦從

者之事決非微子兩手牽把之穎達以手縛不能爲用
爲司馬遷之失此非遷之失乃孔氏之失也然史記與
左傳所載不同者蓋其所採錄有或詳或畧云耳

左傳鄭子家與晉趙宣子書曰鋌而走險急何能擇杜
注鋌急走貌孔疏云鋌文連故爲疾走貌冶曰鋌之爲
文安得爲疾走之貌乎孔說以連文言之曲矣鋌挺古
字通用挺挺勁捷也勁捷卽疾走之貌

昧爽不顯後世猶息解者以爲昧旦未明之時已大明
其德此說恐非蓋古先明主憂勞政治當其昧爽之時

敬齋古今雜卷一

古

海山仙館叢書

曰茲已大明矣祖宗勤勞如此而子孫猶復怠惰今說
乃云未明之時能大明其德豈大明其德又有時乎
春秋左傳鄭人畏其又遷也承或以承爲語佐非也古
字通用蓋承卽懲也懲義雖近于畏然所畏者在後而
所懲者在前故兩言之讀者當以承一字爲句

國語楚觀射父爲昭王言祭祀云祀加于舉且曰百姓
千品萬官億醜兆民經入咳數以奉之又鄭史伯爲桓
公說和實生物同則不繼云合十數以訓百體出千品
具萬方計億事材兆物收經入行姦極韋昭注云計算

也材裁也賈唐說皆以萬萬爲億鄭後司農云十萬曰億十億曰兆從古數也經常也姦備也數極于姦萬萬兆曰姦自十等至千品萬方轉相生故有億事兆物王收其常入舉九姦之數也李子曰以定名論數宜從古率以攷數論數宜從今率蓋億萬之數今率必盈萬萬而古率祇以十之而已十之者一進位也是其循前後之名則順而其爲數則局促而易窮謂盈萬萬者所進之位又有二等一則萬之後億之前四進位而一改名一則凡億之後須八進位而一改名是其于前後之名或若參差不齊而其爲數則廣大而爲用則不可以遽窮焉蓋數有通率有進率退率不可一槩論也自一二三四而至十此數之通率也自一十百千而至于萬此數之進率也自分釐毫絲而至于忽此數之退率也其進數無窮而退數亦無窮今且以進數言之自一至十爲通率固不必論自十至百自千至萬之類爲十進亦可爲一進亦可夫一與十不曰始終之極歟不曰相懸之甚歟然得爲一進而又得以爲十進者爲有進率而又有通率也然通率猶子而進率則猶父焉父統子業

故取一進位而不取夫十進位也自十至百猶不拘于通率而況自萬以上乎故自萬以前每進改名自萬以後雖用進率而其名或改或不改是以有古今之別也自萬至億一進而改名者古率也四進而改名者今率也自億至兆以上又與此不同矣自億以上依古率則一進而改名依今率則至八進位然後得改名也故今之算數自一至億凡八進位自億至兆亦八進位等而上之至于京垓秭壤溝澗正載皆若是而已矣韋昭注前已著賈唐之說後雖復引鄭司農古數之語而卒言

敬齋古今鞋卷一

六

海山仙館叢書

萬萬兆曰姦則昭之意實用賈唐說耳史伯論數云十百千萬億兆經姦觀射父論數云百千萬億兆經咳姦咳古字通用今作垓亦作陔皆同經亦數也今算術大數曰億兆經垓邵堯夫皇極數于億兆之後卽繼之爲京求之音義經正爲京耳而韋昭注云經常也經固訓常而非史伯觀射父之意也詳國語本旨自十百而上皆進一位以命數昭不及此而遺經誤解已爲背戾乃復云萬萬兆曰姦則是于古今之數兩俱不得其說也爲韋注者奚自而宜宜云萬萬兆曰經萬萬經曰姦則

得其正矣

公穀謂春秋日之者皆有事竊未敢必春秋雖經其實
史耳史固有應日而不得不日者有不應日而自不須
日之者亦有二事而俱在一日者有事大而非日所能
攝之者固不可一槩論之况年世寢遠簡編蠹壞不無
脫逸重複又安可盡以日與不日執爲春秋大旨乎

敬齋古今薈卷一

七

海山仙館叢書

08757

敬齋古今薈卷一 終

